

唐文治 編纂

上海人民出版社

一三經讀本

第二冊

周禮
儀禮

唐文治 編纂

上海人民出版社

十三經讀本

第二冊

周禮
儀禮

周

禮

--	--	--	--	--

序周禮廢興

唐賈公彥撰

周公制禮之日。禮教興行。後至幽王。禮儀紛亂。故孔子云。諸侯專行。征伐十世希不失。鄭注云。亦謂幽王之後也。故晉侯趙簡子見儀。皆謂之禮。孟僖子又不識其儀也。至於孔子。更脩而定之時。已不具。故儀禮注云。後世衰微。幽厲尤甚。禮樂之書。稍稍廢棄。孔子曰。吾自衛反於魯。然後樂正雅頌。各得其所。謂當時在者。而復重雜亂者也。惡能存其亡者乎。至孔子卒。

周禮讀本

序周禮廢興

一

後復更散亂。故藝文志云。昔仲尼沒。微言絕。七十二弟子喪。而大義乖。諸子之書。紛然散亂。至秦患之。乃燔滅文章。以愚黔首。又云。禮經三百。威儀三千。及周之衰。諸侯將踰法度。惡其害已。滅去其籍。自孔子時而不具。至秦大壞。漢興。至高堂生博士傳十七篇。孝宣世。后倉最明禮。戴德、戴聖慶普皆其弟子。三家立于學官。案儒林傳。漢興。高堂生傳禮十七篇。而魯徐生善爲容。孝文時。徐生以容爲禮官大夫。而瑕邱蕭

奮以禮至淮陽太守孟卿東海人也。事蕭奮。以授后倉。后倉說禮數萬言。號曰后氏曲臺記。授戴德、戴聖。鄭云。五傳弟子。則高堂生、蕭奮、孟卿、后倉、戴德、戴聖。是爲五也。此所傳者。謂十七篇。卽儀禮也。周官孝武之時始出。秘而不傳。周禮後出者。以其始皇持惡之故也。是以馬融傳云。秦自孝公已下。用商君之法。其政酷烈。與周官相反。故始皇禁挾書。特疾惡。欲絕滅之。搜求焚燒之。獨悉是以隱藏百年。孝武帝始除挾

周禮讀本

序周禮廢興

二

書之律。開獻書之路。旣出於山巖屋壁。復入于秘府。五家之儒。莫得見焉。至孝成皇帝。達才通人。劉向子歆。校理秘書。始得列序。著于錄略。然亡其冬官一篇。以考工記足之時。眾儒竝出。其排以爲非。是唯歆獨識其年。尙幼。務在廣覽博觀。又多銳精于春秋末年。乃知其周公致太平之迹。迹其在斯。奈遭天下倉卒。兵革竝起。疾疫喪荒。弟子死喪。徒有里人河南綏氏杜子春。尙在永平之初年。且九十。家于南山。能通其

讀顧識其說鄭眾賈逵往受業焉眾逵洪雅博聞又以經書記轉相證明爲解逵解行於世眾解不行兼攬二家爲備多所遺闕然眾時所解說近得其實獨以書序言成王既黜殷命還歸在豐作周官則此周官也失之矣逵以爲六鄉大夫則冢宰以下及六遂爲十五萬家紵千里之地甚謬焉此比多多吾甚閔之久矣六鄉之人實居四同地故云紵千里之地者誤矣又六鄉大夫冢宰以下所非者不著又云多多

周禮讀本

序周禮廢興

三

者如此解不著者多又云至六十爲武都守郡小小事乃述平生之志著易尙書詩禮傳皆訖惟念前業未畢者唯周官年六十有六目瞑意倦自力補之謂之周官傳也案藝文志云成帝時以書頗散亡使謁者陳農求遺書于天下詔光祿大夫劉向校書經傳諸子詩賦向輒條其篇目撮其指意錄而奏之會向卒哀帝復使向子歆卒父業歆於是總羣書奏其七略故有六藝七略之屬歆之錄在於哀帝之時不審

馬融何云至孝成皇帝命劉向子歆考理秘書始得列序著於錄略者成帝之時蓋劉向父子竝被帝命至向卒哀帝命歆卒父所脩者故今文乖理則是也故鄭元序云世祖以來通人達士大中大夫鄭少贛名興及子大司農仲師名眾故議郎衛次仲侍中賈君景伯南郡太守馬季長皆作周禮解詁又云元竊觀二三君子之文章顧省竹帛之浮辭其所變易灼然如晦之見明其所彌縫奄然如合符復析斯可謂

周禮讀本

序周禮廢興

四

雅達廣攬者也然猶有參錯同事相違則就其原文字之聲類考訓詁摭秘逸謂二鄭者同宗之大儒明理于典籍猶識皇祖大經周官之義存古字發疑正讀亦信多善徒寡且約用不顯傳于世今讀而辨之庶成此家世所訓也其名周禮爲尙書周官者周天子之官也書序曰成王既黜殷命滅淮夷還歸在豐作周官是言蓋失之矣案尙書盤庚康誥說命泰誓之屬三篇序皆云某作若干篇今多者不過三千

言又書之所作。據時事爲辭。君臣相詰命之語。作周官之時。周公又作立政。上下之別。止有一篇。周禮乃六篇。文異數萬。終始辭句。非書之類。難以屬之時。有若茲焉。得從諸又云。斯道也。文武所以綱紀周國。君臨天下。周公定之。致隆平。龍鳳之瑞。然則周禮起於成帝。劉歆而成于鄭元。附離之者大半。故臨孝存以爲武帝知周官。末世瀆亂。不驗之書。故作十論七難。以排棄之。何休亦以爲六國陰謀之書。唯有鄭元徧

周禮讀本

序周禮廢興

五

覽羣經知周禮者。乃周公致太平之迹。故能答臨碩之論。難使周禮義得條通。故鄭氏傳曰。元以爲括囊大典。網羅眾家。是以周禮大行。後王之法。易曰。神而化之。存乎其人。此之謂也。

周禮正義序

唐朝散大夫行太學博士宏文館學士臣賈公彥等奉勅撰

夫天育蒸民無主則亂立君治亂事資賢輔但天皇
地皇之日無事安民降自燧皇方有臣矣是以易通
卦驗云天地成位君臣道生君有五期輔有三名注
云三名公卿大夫又云燧皇始出握機矩表計實其
刻曰蒼牙通靈昌之成孔演命明道經注云拒燧皇
謂人皇在伏羲前風姓始王天下者斗機云所謂人

周禮讀本

周禮正義序

一

皇九頭兄弟九人別長九州者也是政教君臣起自
人皇之世至伏羲因之故文耀鉤云伏羲作易名官
者也又案論語撰考云黃帝受地形象天文以制官
伏羲以前雖有三名未必具立官位至黃帝名位乃
具是以春秋緯命歷序云有九頭紀時有臣無官位
尊卑之別燧皇伏羲既有官則其間九皇六十四氏
有官明矣但無文字以知其官號也案左傳昭十七
年云秋郊子來朝公與之宴昭子問焉曰少皞氏鳥

名官何故也杜氏注云少皞金天氏黃帝之子已姓

之祖也郊子曰吾祖也我知之昔者黃帝氏以雲紀
故爲雲師而雲名注云黃帝軒轅氏姬姓之祖也黃
帝受命有瑞雲故以雲紀事百官師長皆以雲爲名
號縉雲氏蓋其一官也炎帝氏以火紀故爲火師而
火名注云炎帝神農氏姜姓之祖也亦有火瑞以火
紀事名百官也其工氏以水紀故爲水師而水名注
云其工以諸侯霸有九州者在神農前大皞後亦受

周禮讀本

周禮正義序

二

水瑞以水名官也大皞氏以龍紀故爲龍師而龍名
注云大皞伏羲氏風姓之祖也有龍瑞故以龍命官
也我高祖少皞摯之立也鳳鳥適至故紀於鳥故爲
鳥師而鳥名又云鳳鳥氏歷正之類又以五鳥五鳩
九扈五雉竝爲官長亦皆有屬官但無文以言之若
然則自上以來所云官者皆是官長故皆云師以目
之又云自顓頊以來不能紀遠乃紀於近是以少皞
以前天下之號象其德百官之號象其徵顓頊以來

天下之號因其地百官之號因其事。事卽司徒司馬之類是也。若然前少皞氏言祝鳩氏爲司徒者。本名祝鳩。言司徒者。以後代官況之。自少皞以上官數略如上說。顓頊及堯官數雖無明說。可略而言之矣。案昭二十九年。魏獻子曰。社稷五祀。誰氏之五官。蔡墨對曰。少皞氏有四叔。曰重曰脩曰熙。實能金木及水。使重爲句芒。該爲蓐收。脩及熙爲元冥。世不失職。遂濟窮桑。此其三祀也。注云窮桑。帝少皞之號也。

周禮讀本

周禮正義序

三

顓頊氏有子曰犁。爲祝融。其工氏有子曰句龍。爲后土。此其二祀也。后土爲社。稷由正也。有烈山氏之子曰柱。爲稷。自夏以上祀之。周棄亦爲稷。自商以來祀之。故外傳犁爲高辛氏之火正。此皆顓頊時之官也。案鄭語云。重犁爲高辛氏火正。故堯典注高辛氏之世。命重爲南正司天。犁爲火正司地。以高辛與顓頊相繼無隔。故重犁事顓頊。又事高辛。若稷契與禹事堯。又事舜。是以昭十七年服注。顓頊之下云。春官爲

木正。夏官爲火正。秋官爲金正。冬官爲水正。中官爲土正。高辛氏因之。故傳云。遂濟窮桑。窮桑。顓頊所居。是度顓頊至高辛也。若然。高辛時之官。唯有重犁及春之木正之等。不見更有餘官也。至於堯舜官號。稍改楚語云。堯復育重犁之後。重犁之後卽羲和。也是以堯典云。乃命羲和。注云。高辛之世。命重爲南正司天。犁爲火正司地。堯育重犁之後。羲和氏之子賢者。使掌舊職。天地之官。亦紀於近命。以民事。其時官

周禮讀本

周禮正義序

四

名。蓋曰稷司徒是天官。稷也。地官司徒也。又云。分命羲仲。申命羲叔。分命和仲。申命和叔。使分主四方。注仲叔亦羲和之子。堯旣分陰陽四時。又命四子爲之。官掌四時者。字曰仲叔。則掌天地者。其曰伯乎。是有六官。案下驩兜曰。共工注共。工水官也。至下舜求百揆。禹讓稷契。暨咎繇。帝曰。棄黎民阻饑。汝后稷播時百穀。注稷棄也。初堯天官爲稷。又云。帝曰。契百姓不親。汝作司徒。又云。帝曰。咎繇。汝作士。此三官是堯時

事舜因禹讓述其前功下文云舜命伯夷爲秩宗舜時官也以先後參之唯無夏官之名以餘官約之夏傳云司馬在前又後代況之則義叔爲夏官是司馬也故分命仲叔注云官名蓋春爲秩宗夏爲司馬秋爲士冬爲共工通稷與司徒是六官之名見也鄭元分陰陽爲四時者非謂時無四時官始分陰陽爲四時但分高辛時重犁之天地官使兼主四時耳而云仲叔故云掌天地者其曰伯乎若然堯典云伯禹作

周禮讀本

周禮正義序

五

司空四時官不數之者鄭云初堯冬官爲共工舜舉禹治水堯知其有聖德必成功故改名司空以官名寵異之非常官也至禹登百揆之任捨司空之職爲共工與虞故曰垂作共工益作朕虞是也案堯典又云帝曰疇咨若時登庸鄭注云堯末時義和之子皆死庶績多闕而官廢當此之時驩兜共工更相薦舉下又云帝曰四岳湯湯洪水有能俾乂鄭云四岳四時之官主四岳之事始義和之時主四岳者謂之四

伯至其死分岳事置八伯皆王官其八伯唯驩兜共工放齊骸四人而已其餘四人無文可知案周官云唐虞稽古建官惟百內有百揆四岳則四岳之外更有百揆之官者但堯初天官爲稷至堯試舜天官之任謂之百揆舜卽眞之後命禹爲之卽天官也案尙書傳云惟元祀巡守四岳八伯注云舜格文祖之年堯始以義和爲六卿春夏秋冬者并掌方岳之事是爲四岳出則爲伯其後稍死驩兜共工求代乃置八

周禮讀本

周禮正義序

六

伯元祀者除堯喪舜卽眞之年九州言八伯者據畿外八州鄭云畿內不置伯鄉遂之吏主之案明堂位云有虞氏官五十夏后氏官百殷二百周三百鄭注云有虞氏官蓋六十夏百二十殷二百四十周三百六十不得如此記也昏義云三公九卿二十七大夫八十一元士鄭云蓋夏制以此差限故不從記文但虞官六十唐則未聞堯舜道同或皆六十并屬官言之則皆有百故成王周官云唐虞建官惟百也若然

自高陽已前官名略言於上至於帝嚳官號略依高陽不可具悉其唐虞之官惟四岳百揆與六卿又堯典有典樂納言之職至於餘官未聞其號夏官百有二十公卿大夫元士具列其數殷官二百四十雖未具顯案下曲禮云六太五官六府六工之等鄭皆云殷法至於屬官之號亦蔑云焉案晉義云三公九卿者六卿并三孤而言九其三公又下兼六卿故書傳云司徒公司馬司空公各兼二卿案顧命太保領

周禮讀本

周禮正義序

七

冢宰畢公領司馬毛公領司空別有芮伯爲司徒彤伯爲宗伯衛侯爲司寇則周時三公各兼一卿之職與古異矣但周監二代郁郁乎文所以象天立官而官益備此卽官號沿革粗而言也

漢鄭康成目錄

天官冢宰第一

象天所立之官冢大也宰者官也天者統理萬物
天子立冢宰使掌邦治亦所以總御眾官使不失
職不言司者大宰總御眾官不主一官之事也

地官司徒第二

象地所立之官司徒主眾徒地者載養萬物天子
立司徒掌邦教亦所以安擾萬民

周禮讀本

原目

一

春官宗伯第三

象春所立之官也宗尊也伯長也春者出生萬物
天子立宗伯使掌邦禮典禮以事神爲上亦所以
便天下報本反始不言司者鬼神元人之所尊不
敢主之故也

夏官司馬第四

象夏所立之官馬者武也言爲武者也夏整齊萬
物天子立司馬共掌邦政政可以平諸侯正天下

故曰統六師平邦國

秋官司寇第五

象秋所立之官寇害也秋者適也如秋義殺害收
聚斂藏於萬物也天子立司寇使掌邦刑刑者所
以驅恥惡納人於善道也

冬官考工記第六

象冬所立官也是官名司空者冬閉藏萬物天子
立司空使掌邦事亦所以富充國家使民無空者

周禮讀本

原目

二

也司空之篇亡漢興購求千金不得此前世識其
事者記錄以備大數古周禮六篇畢矣古周禮六
篇者天子所專秉以治天下諸侯不得用焉六官
之記可見者堯育重黎之後羲和及其仲叔四子
掌天地四時夏書亦云乃召六卿商周雖稍增改
其職名六官之數則同矣

周禮讀本

漢鄭康成注

唐陸德明音義

後學施肇曾謹刊

天官冢宰第一

惟王建國

建立也。周公居攝而作六典之職。謂之周禮。營邑於土中。七年致政成王。以此禮授之。使居維維邑。治天下。司徒職曰。日至之景。尺有五寸。謂之地中。天

周禮讀本天官序官

地之所合也。四時之所交也。風雨之所會也。陰陽之所和也。然則百物阜安。乃建王國焉。王如字。干寶云。王天子之號。三代所稱。惟音洛水名也。本作洛。後漢都洛陽。改爲雒。景京領反。下皆同。

辨方正位

辨別也。鄭司農云。別四方。正君臣之位。君南面。臣北面之屬。元謂考工匠人建國。水地以縣。置槩以縣。視以景。爲規識日出之景。與日入之景。晝參諸日中之景。夜考之極星。以正朝夕。是別四方。召誥

曰。越三日戊申。太保朝至于維維卜宅。厥既得卜。則

經營。越三日庚戌。太保乃以庶殷攻位於維維。越

五日甲寅。位成。正位。謂此定宮廟。辨本亦作疑。徐

免反。別也。一音平。勉反。別彼列反。下同。縣音元。下

同。塾魚列反。下同。召上詔反。諸古報反。大音泰。訥

體國經野

體猶分也。經謂爲之里數。鄭司農云。營國方九里。國中九經九緯。左祖右社。面朝後市。野則九夫爲

周禮讀本天官序官

井。四井爲邑之屬是也。體鄭云。體猶分也。干寶云。體形體。朝直遙反。

設官分職

鄭司農云。置冢宰司徒宗伯司馬司寇司空。各有所職而百事舉。

以爲民極

極中也。令天下之人各得其中。不失其所。令力呈反。乃立天官冢宰。使帥其屬而掌邦治。以佐王均邦國。

掌主也。邦治主所以治邦國也。佐猶助也。鄭司農

云邦治謂總六官之職也故大宰職曰掌建邦之

六典以佐王治邦國六官皆總屬於冢宰故論語

曰君薨百官總已以聽於冢宰言冢宰於百官無

所不主爾雅曰冢大也冢宰大宰也宰鄭云宰主也干云濟其

清濁和其剛柔而納之中和白宰治直吏反注邦治下治官皆同太音泰注及後放此

治官之屬大宰卿一人小宰中大夫二人宰夫下大

夫四人上士八人中士十有六人旅下士卅有二人

變冢言大進退異名也百官總焉則謂之冢列職

周禮讀本天官序官

三

於王則稱大冢大之上也山頂曰冢旅眾也下士

治眾事者自大宰至旅下士轉相副貳皆王臣也

王之卿六命其大夫四命士以三命而下爲差祿

音

府六人史十有二人

府治藏史掌書者凡府史皆其官長所自辟除藏才

浪反下同長丁長反下皆同辟必亦反徐方狄反

胥十有二人徒百有廿人

此民給徭役者若今衛士矣胥讀如譌謂其有才

知爲什長胥鄭徐劉思敘反戚思餘反下皆同徭音遙請劉思敘反

宮正上士二人中士四人下士八人府二人史四人

胥四人徒四十人

正長也宮正主宮中官之長此以下鄭總列六十職前

職前列之

宮伯中士二人下士四人府二人史二人胥二人徒

廿人

周禮讀本天官序官

四

伯長也

膳夫上士二人中士四人下士八人府二人史四人

胥十有二人徒百有廿人

膳之言善也今時美物曰珍膳膳夫食官之長也

鄭司農以詩說之曰仲允膳夫膳上職反

庖人中士四人下士八人府二人史四人賈八人胥

四人徒四十人

庖之言苞也裹肉曰苞苴賈主市賈知物賈庖徐扶交

反賈鄭徐音古劉音嫁下放此
裏音果苴子餘反物賈音嫁

內饗中士四人下士八人府二人史四人胥十人徒百人

饗割亨煎和之稱內饗所主在內饗鄭於容反亨戚普庚反劉普

孟反稱尺證反

外饗中士四人下士八人府二人史四人胥十人徒百人

外饗所主在外

周禮讀本天官序官

五

亨人下士四人府二人史二人胥五人徒五十人

主爲外內饗煮肉者亨劉普庚反爲子僞反下爲主同

郊外曰甸師猶長也甸師主其野物官之長甸田遍反

其音恭丁皆同

獸人中士四人下士八人府二人史四人胥四人徒四十人

廩人中士二人下士四人府二人史四人胥卅人徒

三百人廩音魚本又作魚亦作斂同又音御

鼈人下士四人府二人史二人徒十有六人鼈必列反

腊人下士四人府二人史二人徒卅人

腊之言夕也腊音昔

醫師上士二人下士四人府二人史二人徒卅人

醫師眾醫之長醫意其反

食醫中士二人

食猶和齊藥之類和胡卧反又音禾齊才計反

周禮讀本天官序官

六

疾醫中士八人

瘍醫下士八人

瘍創癰也瘍音羊創初良反

獸醫下士四人

獸牛馬之類

酒正中士四人下士八人府二人史八人胥八人徒八十人

酒正酒官之長

805

此为试读，需要完整PDF请访问：www.ertongbook.com